

**GRAD NOVI PAZAR**  
**SKUPŠTINA GRADA**  
**Odbornička grupa SDA Sandžaka**

Novi Pazar

17. maj 2021. godine

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O OSNIVANJU KOMISIJE ZA UTVRĐIVANJE ORGANIZACIJE GRADSKIH UPRAVA GRADA NOVOG PAZARA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 17. maja 2021. godine.

Ovlašteni predstavnik odborničke grupe SDA Sandžaka po ovoj tački dnevnog reda je zamjenik predsjednika odborničke grupe mr. **Emir Aščerić**.

Predsjednik odborničke grupe

Ahmedin Škrijelj

## PRIJEDLOG

Na osnovu članova 36. Zakona o lokalnoj samoupravi („Sl. glasnik Republike Srbije“, br. 129/2007, 83/2014 - dr. zakon, 101/2016 - dr. zakon i 47/2018), člana 46. stav 1. tačka 56. Statuta grada Novog Pazara („Službeni list Grada Novog Pazara“, broj 8/17), članovima 55, 96. i 97. Poslovnika Skupštine grada Novog Pazara („Službeni list grada Novog Pazara“, br. 6/19), Skupština grada Novog Pazara na sjednici održanoj \_\_\_\_\_ godine donijela je

### **O D L U K U**

#### **O OSNIVANJU KOMISIJE ZA UTVRĐIVANJE ORGANIZACIJE GRADSKIH UPRAVA GRADA NOVOG PAZARA**

##### **Član 1.**

Ovom odlukom osniva se Komisija za utvrđivanje organizacije gradskih uprava grada Novog Pazara (u daljem tekstu: Komisija) kao povremeno radno tijelo Skupštine Grada Novog Pazara.

##### **Član 2.**

Komisija se obrazuje radi davanja prijedloga o reorganizaciji gradskih uprava grada Novog Pazara, tako što će se obrazovati više gradskih uprava, unutar kojih će djelovati više srodnih organizacionih jedinica, a u cilju omogućavanja efikasnijeg ostvarivanja prava i interesa građana i funkcionisanja organa Grada.

Komisija će sačiniti prijedlog odluke o organizaciji gradskih uprava grada Novog Pazara, i podnijeti Skupštini grada na razmatranje.

##### **Član 3.**

Za članove Komisije biraju se:

1. Džemil Divanefendić, načelnik Gradske uprave za izvorne i povjerene poslove
2. Mirzet Bojadžić, načelnik Gradske uprave za naplatu javnih prihoda
3. Mirko Drmanić, zamjenik načelnika Gradske uprave za izvorne i povjerene poslove
4. \_\_\_\_\_ (predstavnik odborničke grupe „Evropski Novi Pazar – Rasim Ljajić“)
5. \_\_\_\_\_ (predstavnik odborničke grupe „Akademik Muamer Zukorlić – SPP“)
6. \_\_\_\_\_ (predstavnik odborničke grupe „SDA Sandžaka“)
7. \_\_\_\_\_ (predstavnik odborničke grupe „Aleksandar Vučić, Ivica Dačić – Za našu decu“)

##### **Član 4.**

Rok za izvršenje zadatka je 30 dana od dana donošenja ove odluke.

##### **Član 5.**

Prvu sjednicu radnog tijela saziva predsjednik Skupštine najkasnije u roku od 7 dana od dana donošenja ove Odluke.

Članovi Komisije će na prvoj sjednici izabrati predsjednika i zamjenika predsjednika Komisije.

Predsjednik Komisije organizuje rad, saziva i predsjedava sjednicama Komisije, formuliše zaključke i o tome obavještava predsjednika i sekretara Skupštine.

Zamjenik predsjednika Komisije zamjenjuje predsjednika Komisije u slučaju njegove spriječenosti ili odsutnosti.

#### **Član 6.**

Na rad Komisije shodno se primjenjuju odredbe Poslovnika Skupštine grada Novog Pazara o radu stalnih radnih tijela.

Stručne i administrativno-tehničke poslove za rad ove Komisije obavljaće Odjeljenje za skupštinske poslove, poslove gradonačelnika i gradskog vijeća Gradske uprave za izvorne i povjerene poslove.

#### **Član 7.**

Ova Odluka stupa na snagu danom donošenja i objavljuje se u „Službenom listu grada Novog Pazara“ i na internet stranici grada Novog Pazara.

### **SKUPŠTINA GRADA NOVOG PAZARA**

Broj: \_\_\_\_\_

U Novom Pazaru, \_\_\_\_\_ 2021. godine

**PREDSJEDNICA**

Dr. Anela Šemsović

## O B R A Z L O Ž E N J E

### I – Pravni osnov za donošenje odluke

Pravni osnov za donošenje ove odluke sadržan je u članu 36. Zakona o lokalnoj samoupravi („Sl. glasnik Republike Srbije“, br. 129/2007, 83/2014 - dr. zakon, 101/2016 - dr. zakon i 47/2018), članu 46. stav 1. tačka 56. Statuta grada Novog Pazara („Službeni list Grada Novog Pazara“, broj 8/17), članovima 55, 96. i 97. Poslovnika Skupštine grada Novog Pazara („Službeni list grada Novog Pazara“, br. 6/19).

### II – Razlozi i cilj donošenja odluke

Gradska uprava grada Novog Pazara obrazovana je, prema aktuelnoj Odluci o organizaciji gradskih uprava, kao gradska uprava za pojedine oblasti i to:

1. Gradska uprava za izvorne i povjerene poslove grada Novog Pazara i
2. Gradska uprava za naplatu javnih prihoda grada Novog Pazara.

U okviru Gradske uprave za izvorne i povjerene poslove, za obavljanje poslova iz njenog djelokruga, obrazovane su organizacione jedinice (odeljenja) i to njih osamnaest, sa još jednom posebnom organizacionom jedinicom – Kabinet gradonačelnika.

U okviru Gradske uprave za naplatu javnih prihoda, za obavljanje poslova iz njenog djelokruga, obrazovane su organizacione jedinice (odeljenja) – ukupno dva.

Budući da je grad Novi Pazar, grad sa preko 100.000 stanovnika, regionalni centar i grad čija gradska uprava iziskuje velike i složene poslove, potrebno je gradsku upravu reorganizovati kako bi se stvorila moderna gradska uprava koja bi doprinijela efikansijem radu sa strankama i omogućio veći stepen odgovornosti i kontrole organa prilikom obavljanja poslova i djelatnosti uprave.

Za obavljanje poslova gradske uprave, koji zbog svoje prirode, cjelovitosti i načina obavljanja zahtijevaju samostalnost i posebno organizovanje, potrebno je obrazovati više uprava grada za pojedine oblasti.

Gradske uprave obrazuju se za primjenu i sprovođenje propisa o upravnom postupku i vršenje povjerenih poslova Republike. Organizovanje gradskih uprava mora biti takva da omogućava efikasno ostvarivanje prava i interesa građana i funkcionisanje organa Grada.

Komisija, koja se obrazuje ovom odlukom, ima za zadatak da sačini prijedlog reorganizacije gradskih uprava, u skladu sa postojećim organizacionim jedinicama, spajanjem srodnih poslova tih organizacionih jedinica u nekoliko gradskih uprava, te na osnovu toga prijedloga sačini prijedlog odluke o organizaciji gradskih uprava grada Novog Pazara.

### **III – Objašnjenje pojedinačnih rješenja propisanih ovom odlukom:**

**Članom 1.** utvrđen predmet ove odluke i naziv radnog tijela.

**Članom 2.** utvrđena je oblast i zadaci za koje se osniva radno tijelo.

**Članom 3.** utvrđen je broj i sastav članova radnog tijela.

**Članom 4.** utvrđen je rok za izvršenje zadatka.

**Članom 5.** utvrđena su prava i dužnosti predsjednika i članova radnog tijela.

**Članom 6.** uređuje se rad radnog tijela, kao i služba zadužena za obavljanje stručnih i administrativno-tehničkih poslova.

**Članom 7.** propisana je obaveza objavljivanja ove odluke u „Služenom listu grada Novog Pazara“ i internet stranici Grada.

### **IV – Finansijska sredstva za sprovođenje ove odluke nisu potrebna.**